



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xxix La vie de s. Mederic, appelé Merry.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

— pide, lequel luy reprocha fort, qu'estât ce qu'elle estoit, elle degeneroit de sa Noblesse, du tige illustre de sa famille, & de celui de son mary, pour viure parmy les Chrestiens comme vne femme de basse condition: mais l'ayant trouuee fort constante en la confession de Iesus-Christ, & hardie à luy repliquer, il luy fit trancher la teste, & cōsqua tous ses biens. Voyla le cours de la vie temporelle de sa vie bien-heureuse & eternelle, à laquelle paruiennent ceux qui scauent aussi bien combattre & vaincre, comme elle fit. Les Chrestiens prirent son corps, & le mirēt dans le mesme tombeau où elle auoit enterrē sa maistresse Serasie. Elle souffrit le 29. d'Aoust, l'an de nostre Seigneur 122. sous l'Empire d'Adrian. Surius en son 4. Tome rapporte ses actes, & confirme ce que nous en auons dit. Tous les Martyrologes font mention de sainte Sabine. Il y a vne belle Eglise à Rome de son nom, en laquelle le glorieux Patriarche saint Dominique fonda vn Couuent de son ordre, auquel le Pape va le premier iour de Carefme pour ouurir & commencer les Stations qui s'y font les iours ensuiuans, avec vne grande deuotion de toute ceste sainte ville.

LA VIE DE S. MEDERIC
Abbé, communément appellé Merry.

Par M. A. du Val.



E tres-digne & tres-venerable Abbé saint Mederic, nasquit au territoire d'Autun de fort nobles parens, cōtre le grē desquels dès l'aage de treize ans, preuenu d'vne grace & lumiere celeste, il s'enroulla allegrement sous les enseignes de la Croix au Monastere de S. Martin, lors tres-florissant, tant pour le nombre des bōs Religieux, que pour la discipline reguliere qui y estoit estroitement gardée. Saint Mederic commença dès son Nouiciat à reluire entr'eux, comme vn tres-beau Soleil, les eschauffant de son exemple, esclairant de ses vertus, & les surpassant, tant en auerité qu'en abstinence, car il ne beuuoit que de l'eau, ne mangeoit que du pain d'orge, duquel il n'vsoit que deux fois la semaine, portoit vne tres-dure haire, & la tenoit cachée sous l'habit de son Ordre, crainte de vaine gloire: tellement qu'apres le decez de l'Abbé, les Religieux s'assemblerent, & d'vn cōmun consentement le substituerent en son lieu, où il se comporta si dignement, qu'il rauissoit en estonnement vn chacun: les vns louoient sa prudence, les autres sa douceur, & tous s'estonnoient du soin paternel & infatigable qu'il auoit à sa charge: il fortifioit les foibles, encourageoit les tepides, corrigeoit les pecheurs, & esleuoit les justes à plus grāde justice & perfection. Tost apres son election le diable molesta vn Moine de sales tentations, allumant en sa chair le feu infernal de la concupiscence si fort, qu'il n'y trouuoit aucun remede: il implora l'ayde du S. qui le reuestant de sa robbe, chassa le Diable,

allumette de ce brasier, lequel s'escria en sortant, qu'il luy faisoit grand tort: le Moine fut si bien deliuré, qu'il vescu depuis en grande chasteté, & ne ressentit plus ceste facheuse escharde. Vn autre ne pouuant ouyr la Messe, sortit journallement du Chœur comme on la commençoit, & ne s'en voulant amender pour les remonstrances du saint, lequel en fin s'apperceuant que c'estoit vn artifice du Diable, le fit confesser & communier, il fut depuis tres seruēt à la Messe, & au diuin Office. Le bruit de ses rares vertus accompagnées de miracles si beaux, courant de tous costez, attira tant de gens pour le voir, qu'il fut contraint d'abandonner Autun, & se retirer en vn desert, où il viuoit du travail de ses mains, incognu des hommes, molesté par les diables, mais chery & caressé de Dieu, qui le combloit de consolations incroyables. Ses Religieux faschez de son départ, le chercherent en tant d'endroits, qu'ils le trouuerent à la fin, & se prosternerent à ses pieds, l'adiurerent de reuenir, & ne les frustrer plus long temps de l'heur de sa sainte presence, luy remonstrans qu'il n'estoit point nay pour soy, mais pour autrui: deuit imiter Iesus-Christ, lequel pour le salut des hommes estoit descendu du plus haut des Cieux au plus bas de la terre: toutes leurs raisons ne le peurent induire à quitter le desert, leur alleguāt l'exemple des SS. Anachorettes, qui esleuans leurs pures mains au ciel, auoient plus fait pour le bien de l'Eglise, que ceux qui auoient fort travaillé au monde. Les Moynes desesperans de le pouuoir persuader, s'en allerent à l'Euesque, qui vint incontinent vers luy, & le menaçāt du glauiue de l'excommunication, le fit retourner & reprendre sa charge, où il remit le tout en bon ordre, & repara bien tost les ruines & dommages arriuez en son absence, tant par son indolence, que par l'ayde diuin, & l'operation des miracles qu'il fit à son retour: car il rendit l'oïye aux sourds, la veuē aux aueugles, le marcher aux estropiates, la santé à toutes sortes de malades, & par ces paroles plus douces que miel, & plus penetrantes qu'vne fleche bien aceree, entroit iusques au cœur de ceux qui l'escoutoient, & en tiroit les maux & pechez fort secrets. A la requeste de son filleul Frodulphe, homme de sainte vie, il s'achemina à Paris, & tomba malade au Couuent de Champeaux, où il fut contraint de sejourner long temps. Dieu par sa prouidence se voulut seruir de cet heureux sejour, à la reduction des Moines qui viuoient en grande dissolution. Estant vn peu plus fort, il s'en alla par le pays visiter les saints lieux & arriua à Melun, apres auoir rendu ses vœux à Dieu au Monastere de S. Pierre, il sceut qu'on luy auoit inuoluntē emprisonné des pauures: ne pouuant trouuer le seigneur Chastelain pour les faire sortir, il inuoca la Iustice diuine, qui brisa incontinent leurs fers, rompit les portes, & les remitta en liberté: la fièvre l'ayant repris, il retourna à Champeaux, d'où il vint à Paris, guarissant en chemin Virsus traouillē d'vne fièvre, & deliurāt vne Dame nomēe Benoiste, possedee de l'esprit


malin, avec plusieurs autres qui estoient detenues en diuerses prisons. Il s'habilla aux faubourgs de Paris, en la Chapelle de saint Pierre & saint Paul, où apres auoir passé près de trois ans, supportant patiemment les ardeurs de la fièvre sans se vouloir guarir, encore qu'il en guarist les autres: Dieu luy reuela le iour de son decez, apres lequel il soupiroit continuellement: de sorte que s'estât muni des armes d'un Chrestien, & ayant receu le sacré Viatique d'une deuotion noppareille, sa sainte ame chargée de tant de merites, & enrichie de si rares vertus, laissa le corps en terre, & s'enuola au ciel, pour cueillir eternellement le fruit de tant de bonnes ceuures, & de saints labours qu'il auoit enduré.

Il fut enterré en la Chappelle de S. Pierre, & y reposa iusques en l'an 884. où par la diligence de Theodbert Chanoine, ses os furent celebremenent benis, & portez avec grande solemnité dans vne riche chasle à l'Eglise, qui fut depuis appellée de son nom. Plusieurs ont honorablement parlé de luy, Triteme & Vincent de Beauuais: le Martyrologe Romain le met au 29. d'Aoult, comme fait aussi Vsuard, lequel s'est trompé en ce qu'il le fait Euesque, n'ayant esté qu'Abbé, comme disent les autres.

La vie de saint Barthelemy Apôtre. A Antioche succederent les saints martyrs Restitus, Donat, Valerian & Praxilla avec autres dont le, couronné pour la confession de la Foy. A Ege en Caire, les saints martyrs Claude, Aferie, & Neon, freres, lesquels apres auoir esté en diuerses manieres tourmentez, furent cruciez par le commandement du President Lyllias. A Rhoms trespasserent les saints Timothée & Apollinaire. A Lyon les saints martyrs Minerve & Eleazre, avec huit leurs enfans. A saint Vrege Euesque, lequel eut la persecution de Diocletian, qui le President Probe, ayant esté battu de verges, & puis decapité, fut esté dans la vauze. Item, saint Long martyr, lequel eut seruiteur de condition, recut la franchise de nostre Sauueur, & la couronne du martyre. En Hierusalem S. Zachee Euesque, qui fut le quatrieme qui gouerna ladite Eglise apres saint Iacques & Alexandre S. Theone Euesque. A Autun S. Flavian Euesque & Confesseur. En Auvergne saint Sidoine Euesque, renommé pour la doctrine & sainteté.

LA VIE DE SAINT Fiacre, Abbé.

Par M. A. du Val.

 Illustre & miraculeux saint Fiacre Patron de Brie, nasquit en Hybernie, de parens nobles & riches, avec lesquels il demeura iusques à ce qu'il inspiré d'une lumiere d'enhaut, il sortit comme vn autre Abraham de son pays, & du milieu de ses parens, & s'en vint en France pour viure en solitude, incogneu des hommes, mais au reste fort chery & caressé de Dieu, lequel luy reuela de se transporter avec ses compagnons qu'il auoit encouragés à fuir le monde, vers le bien-heureux Euesque de Meaux S. Faron, qui luy fit don d'un peu de terre, au milieu de la forest de Fordille, où par la volonte diuine il bastit vn Monastere pauvre & petit, en l'honneur de la Royne des Cieux sa Patrone, à laquelle dès sa tendre ieunesse il portoit vne affection singuliere: il vescu là dedans comme

vn Ange, esleuant sans cesse son esprit à Dieu, mortifiant ses appetits, & s'exercant en tant d'austeritez, que l'on eust dit que son corps eust esté plustost de bronze que de chair. Dieu en recompense enrichit son ame de beaucoup de graces, principalement de celle des miracles, les faisant si soudainement, & en si grand nombre, que chacun en estoit estonné. De ses pures & saintes mains il guarissoit les lepreux, faisoit parler les muets, marcher les paralytiques, ouir les sourds, & redressoit les contrefaits, & deliuroit toutes sortes de possedez. On le venoit visiter, non seulement des Prouinces de France, mais aussi des regions loingtains: vn sien paré nommé Getlein y vint, qui fut si viuement touché de ses rares exemples, & de ses saintes instructions, qu'il abandonna ses grands biens, mesprisâ les honneurs, & se conforma du tout au niveau de sa vie, & fut en fin saint par la demeure & hantise avec luy. Son Monastere ne pouuant pour sa petitesse suffire à tant de pelerins qui le venoient visiter, il eust recours à saint Faron, pour auoir dauantage de terre; il luy en accorda autant qu'il en pourroit creuser luy seul en vn iour: Dieu permit que le don luy fut ainsi octroyé, afin de faire mieux reluire sa vertu. Estant de retour, apres s'estre mis en prieres, il prit sa besche en main qui ouuroit la terre, & faisoit en moins de rien tomber les chesnes en grand nombre. Vne femme enuieuse & maligne voyant cet insigne miracle, l'estima forcier: & apres auoir vomy contre luy mille iniures qu'il enduroit ioyeusement, le defera à l'Euesque, qui l'empescha aussi tost de passer outre: il s'assit aussi tost pour luy donner seance, & se void encore à present en son Eglise, ayant mesme seruy d'instrument à guarir les malades. L'Euesque ayant veu ce miracle, luy octroya ce qu'il vouloit, contracta vne estreinte amitié avec luy, & le hanta priuement le reste de ses iours. Entre les beaux & vtils reiglemens qu'il establit en son Monastere, il y defendit l'entrée des femmes: quelques vns en rapporterent la cause à la malice de celle qui l'auoit accusé: mais il faut croire qu'il le fit pour le danger qui vient d'une telle hantise, les Religieux & Prestres deuant redouter la presence des femmes comme celle d'un basilic, qui de sa veuë empoisonne & fait mourir les hommes. Ses parens par leur mort l'ayant laissé Seigneur d'un assez grand pays, ses suiets vindrent en France pour l'emmener, ou de gré, ou de force: en ayant eu le vent, il pria Dieu qu'il fust laddre, ce qui aduint, de sorte que ses seruiteurs le voyans si laid & difforme, s'en retournerent comme ils estoient venus, & tost apres son visage recouura sa premiere candeur & beauté: en fin ayant long temps vescu, le corps attenué d'austerité, & aussi de vieillesse, tomba en vne maladie qui le fit passer de ceste vie en celle qu'il souhaitoit extremement, enuiron l'age six cens, le 28. iour d'Aoult. Toute la France en porte le ducil, principalement ceux de Brie,